

Sva djeca i porodice koje provode raspust u Beču srdačno su pozvani na **wienXtra-ferienspiel!**

Raspust bez dosade

wienXtra-ferienspiel nudi djeci u Beču raznorazne programe za provođenje slobodnog vremena i zanimljive, povoljne i inspirirajuće doživljaje tokom raspusta.

Za svu djecu u Beču

wienXtra-ferienspiel nudi za svu djecu koja svoj raspust provode u Beču avanture i zanimljive doživljaje u gradu. Pustolovine, iskustva i nove ideje za igru i izradu raznih predmeta, otkrivanje i istraživanje, u teatru, kinu ili muzeju, prilikom sporta i proslava. Program za raspust osmišljen je uglavnom za djecu, no kod proslava i velikih manifestacija dobrodošla je i cijela porodica.

Avantura, zabava i igra!

Svake godine se tokom ljetnog, zimskog i semestralnog raspusta nudi program wienXtra-ferienspiel. Poznata i omiljena je i maskota igara „Holli Knolli“. Djeci se (od 1. do 7. razreda) kratko prije početka svakog raspusta u bečkim školama dijele ferienspiel-pasoši koji sadrže sve informacije o ponuđenim aktivnostima. Ti ferienspiel-pasoši sadrže karte za učestvovanje u zanimljivim nagradnim igrama tokom raspusta.

Šta je ferienspiel-pasoš?

U zimskom, bečkom ljetnom i semestralnom raspustu wienXtra organizira dječje programe koje objavljuje u ferienspiel-pasošu za djecu u uzrastu od 6 do 10 godina (= 1. do 4. razred) i u ferienspiel-pasošu za uzrast od 10 do 13 godina (= 5. do 7. razred).

Te ferienspiel-pasoše podijeli razredna učiteljica/učitelj – ako Vaše dijete u Beču ide u školu – i to najkasnije jednu sedmicu prije početka raspusta. Ukoliko to nije slučaj, molimo da se raspitate!

Ukoliko Vaše dijete izgubi ferienspiel-pasoš, u wienXtra-kinderinfo možete dobiti novi primjerak.

Molimo da svoje dijete podsjetite da ferienspiel-pasoš ponese sa sobom kada bude koristilo ponude kako bi sve kao „gratis“ označene manifestacije moglo posjećivati besplatno. Kod drugih ponuda navedene cijene važe takođe samo ukoliko se prikaže ferienspiel-pasoš.

Zašto markice? Nagradna igra u okviru ferienspiel-ponuda!

Na svakoj stranici u ferienspiel-pasošu je za uzrast od 6 do 10 godina oslikana markica Holli Knolli koju djeca na svakoj manifestaciji dobiju za učestvovanje. Za nagradnu igru moraju se skupiti razne markice i zalijepiti u ferienspiel-pasoš.

U ferienspiel-pasošu za uzrast od 10 do 13 godina predviđena je takođe mogućnost dobivanja nagrade. Popunite kartu učestvovanja, pošaljite je i dobijte neku nagradu!

Kartu možete predati u info-centru **wienXtra-kinderinfo**, u kinu **wienXtra-cinemagic** ili u igraonici **wienXtra-spielebox** odn. možete je poslati poštom na sljedeću adresu:

wienXtra-ferienspiel

Friedrich-Schmidt-Platz 5
1082 Wien

Rok za slanje ili predaju karte je:

15. februar 2012

Dobitnice/i nagrade obavještavaju se poštom!

Kome se obratiti u slučaju da imate još pitanja?

wienXtra-kinderinfo

MuseumsQuartier / Hof 2

Museumsplatz 1

1070 Wien

Tel. 4000 84 400

Fax 4000 99 84 400

E-Mail: kinderinfowien@wienxtra.at

otvoreno:

uto, sri, čet, pet 14:00 - 18:00

sub, ned, praznikom 10:00 - 17:00

Mali savjet: Javni prijevoz je za učenike u Beču tokom raspusta besplatan! Kod gotovo svih ponuda navedeno je kojim javnim prijevozom možete doći do mjesta gdje se određena manifestacija održava. Možete se poslužiti i pretraživanjem voznog reda Bečkih linija.

Kako da pronađete neku određenu ferienspiel-manifestaciju?

Unesite neku natuknicu kao npr. „Tennis“ u polje pretraživanja i kliknite na [„suchen“](#).

Prikazat će Vam se sve manifestacije koje sadrže u svom opisu tu natuknicu, npr.: Tischtennis, Schnuppertennis.

Djeca s invaliditetom

Sva djeca su dobrodošla na wienXtra-ferienspiel manifestacijama!

Za pitanja Vam stoji na raspolaganju [wienXtra-kinderinfo](#).

Gluhe i nagluhe osobe mogu se prijaviti putem e-maila: barrierefrei@wienXtra.at.

Informacije o radu s dječjim grupama

Većina ponuda tokom semestralnog i ljetnog raspusta dostupna je takođe i za grupe. Da li se možete prijaviti kao grupa i na koji se način u tom slučaju morate prijaviti, to je navedeno kod svake ponude.

ferienspiel-prijave

Prijava je jednostavna! Ovdje možete naći najvažnije informacije i sve što je vezano uz različite mogućnosti prijave.

Je li prijava obavezno potrebna?!

Mnoge ponude mogu se posjetiti spontano i bez prethodne prijave! Kod nekih ponuda je „prijava obavezno potrebna!“ – ili kod navedene organizacije telefonskim putem ili kod wienXtra-kinderinfo.

Za prijavu preko wienXtra-kinderinfo imate 3 mogućnosti:

1. Telefonskim putem na broj telefona 4000 84 400
2. Lično u wienXtra-kinderinfo. Napomena: Kod prodaje karata nije moguća rezervacija niti slanje karata poštom! Ovdje se možete samo lično prijaviti!
3. Putem Interneta. Pomoću formulara koji se tek aktivira na prvi dan prijave!

Ako se pojedini termini ne pojave u formularu za prijavu, možete se kod wienXtra-kinderinfo telefonskim putem ili osobno raspitati o slobodnim mjestima.

Jedna molba: Ako Vaše dijete/ Vaša djeca ne mogu učestvovati u nekoj ponudi za koju ste se već prijavili, molimo Vas da se ponovo odjavite ili prepustite mjesto poznanicima.

Kako funkcionira prijava putem Interneta?

Jedna trećina mjesta koja po terminu stoje na raspolaganju za određenu ferienspiel-manifestaciju dodjeljuje se telefonskim putem, druga trećina osobno i treća putem Interneta.

Ako je prijava putem Interneta za tu ponudu moguća, onda se kod informacija o prijavi pojavljuje link [„Online-Anmeldung“](#).

Kliknite na ovaj link – i otvorit će Vam se novi prozorčić s formularom za prijavu.

Odaberite željeni termin i popunite formular u potpunosti. Pritisnite zatim dugme dalje, dakle „weiter“ provjerite unesene podatke i pošaljite ih.

Tim wienXtra-kinderinfo dobit će e-mail s podacima i unijet će ih u sistem za prijavu. Čim se to završi, dobit ćete potvrdni e-mail s informacijom da je prijava izvršena!

Ako su već svi termini za tu manifestaciju popunjeni i ako više nema slobodnih mjesta, pojavit će se informacija: „Ova manifestacija je već popunjena!“

Nadamo se da ćete uživati u wienXtra-ferienspiel ponudama!